

sequi omnes debemus: honeste viuere, neminem ledere, & suum cuique tribuere.

LXXXVII.

*Verba
qualia.*

Verba etiam exiguntur mediæ inter sublimia humiliaque naturæ. v. g. Cum ad laudum omnium metam beatus decurreret, ultimis fati metis admotus est.

LXXXVIII.

*Præsertim
honestæ
ad sint.*

Inter alia honestatem verborum genus hoc amat, vt si de scortatoris coitu dicas: Tale tu cum meritrice infami commercium habuisti, quod honeste adpellare non licet.

LXXXVIII.

Grauia.

Neque grauitatem respuit vocum. v. g. de scortatore eodem: Tu familiæ tuæ probrum & carcinoma fædis adeo actibus euasisti.

LXXX.

æqualia.

Debent etiam verba esse æqualia; id quod fiet, si vnius solum auctoris dictiones & phrases usurpabimus. De quo imitationis genere ea conferri heic debent exercitia, quæ supra tradidimus.

LXXXI.

*sonus
qualis.*

Illæ denique dictiones præferendæ heic sunt, quæ lenius, facilius, cele- rius